

青  
海  
秦  
疏





青海奏疏序

青海在崑崙迤西蒙番之所游牧洎康熙年間來歸迨雍正始戡定之分額魯特等部二十九旗爵以玉貝子貝勒公台吉有差合察罕諾們罕立二盟長以辦事大臣泣之駐西甯制略與漢護羌校尉等亦河西重鎮也錫之豫君為吾異姓昆仲壬子同釋褐相識於

保和殿立談訂交時予在詞林錫之為中書舍人嘗晨夕過從以道義文字相切劘每晤對恒至漏深不忍去十年如一日也然錫之性敦謹恂恂如不能言久之以御史乞外歷政有聲關隴兵大起馬本源桂源據西甯陽奉

朝命陰為唐季藩鎮計大臣長白玉通以憂死

毅皇帝集大臣議西甯帥無易君者予念大軍方急金積回巢未  
克兼規西甯所部窮乏又貞確不諧於世心惴惴嘗為慮錫  
之既受

命內和諸將外惜叛回每一疏至經畫悉中窺要使萬里之虜瞭  
然如在目中於是始度足辦西事而愧向知不盡也隴回既  
平錫之亦會湘軍復西甯馘馬氏既安既艾關隴大定得

朝旨調署烏魯木齊都統旋以疾乞歸里予時奉諱家居重話舊  
事其恂恂安雅猶昔也暇則策杖郊垞耽寂守素田父野老  
無知其嘗為邊將久居軍中者每語以西事輒歸美湘軍笑

曰吾不知兵直以意哭耳無已請以在官奏議志所職可乎  
受而讀之竊有慨也方

國初之征青海也命皇子及勳貴大臣以大將軍駐邊師行絕  
檄或乏水草則地涌聖泉海神致應然後歲時大會殺牛馬  
祭天親歃血以泣諸侯之盟其盛也如此及回人肆虐大者  
連城小亦割據郡縣錫之以飢弱之卒頓兵徵餉相持積年  
乃獮渠醜何其艱也新疆既平

朝廷謙讓未遑於勦回方略闕焉久未纂輯得奏疏出固亦修  
國史補地志所必采者矣昔趙營平征羌所畫軍冊外為辛  
武賢所嫉而議臣內沮之當是時以孝宣之明而為君以魏

相之賢而為相然且數被責讓久始報可今錫軍之薄而窟  
也朝疏夕答事不中制卒以成功後世考同治中興之績雖  
凱事以江南為最烈然西窟為海藏咽喉跨湟流逾雪嶺裹  
餽飲酪深入不毛復地千餘里非上下同心將帥輯睦曷臻  
此夫豈阿吾所好蓋亦傳

先皇帝之盛烈於無窮也迄今西海底定

天子命大臣舉秋典頒太常香帛授節旅於青海之神會盟諸番  
部於海上以及羗目酋長班禪達賴獻膏叩關來者咸與宴  
莫不歡舞舉酒歌聲嗚嗚稱道於弗衰云

太子太保協辦大學士吏部尚書年愚兄李鴻藻拜序

青海奏疏

咸豐初元粵匪洪秀全之倡亂也苗匪捻匪噶匪繼之中原  
大擾流毒至慘駭人心目然猶未若甘肅回匪之變為最烈  
初甘回新舊兩教不相能時尋衅械鬪漢民襟居者被創以  
故漢回亦有卻官不能制同治二年陝回敗竄入境勾結土  
回漢圍復激迫之不數月全甘糜爛臨城攻堡無虛日賊所  
過人畜盡殲廬舍焚燬掘地三尺十年來一望榛莽西甯在  
省西南界番蒙惟一線通內地夙為回藪教首馬桂源居之  
至是馬桂源率黨入甯城自領府事以其兄本源代鎮篆悉  
易回兵官民俱困青海大臣玉公憂念死時予在蘭道任得

青海大臣戚好咸憂之予以適當督臣左宗棠駐平攻金積  
數年未下統帥劉松山陣歿官軍大挫將軍穆圖善守會垣  
河逆四出逼困誠危急存亡之秋也予奚敢辭以重

朝廷西顧憂拜命後請立五營進規平番揚兵四擊剪剗平道鑿井  
建堡以通驛路為大兵進取計遣使誘致賊首桂源竊縻之  
暗檄前軍馳礮伯以扼其吭分諭番蒙及漢圍等各為戰賊  
勢始蹙逾年督臣復派湘軍劉錦棠來會凡數十戰西甯平  
賊首本源桂蒙悉易回兵官民俱困青海大臣王公憂念死  
時予在蘭道任得

旨為青海大臣戚好咸憂之予以適當督臣左宗棠駐平攻金積



數年未下統帥劉松山陣歿官軍大挫將軍穆圖善守會垣  
河逆四出逼困誠危急存亡之秋也予莫敢辭以重

朝廷西顧憂拜命後請立五營進規平番揚兵四擊翦荆平道鑿  
并建堡以通驛路為大兵進取計遣使誘致賊首桂源竊縻  
之暗檄前軍馳礮伯以扼其吭分諭番蒙及漢圍等各為戰  
賊勢始蹙逾年督臣復派湘軍劉錦棠來會凡數十戰西甯  
平賊首本源桂源及其家屬均就擒城中官民無恙說者神  
之噫殆天幸始願所不及也至糧餉軍實艱窘猶其餘事予  
前十年或督軍或辦糈務所歷狀曾著險異錄以誌其事見  
者謂驚魂動魄之作頗為快觀逮是役刻無暇晷未獲載記

殊軟然也爰檢先後奏疏集錄成冊異日覽之亦差足見一

斑云錫叟自序

奏為恭摺叩謝

天恩仰祈

聖鑒事同治九年二月十八日准陝甘督臣左宗棠咨開二月初三日奉滿文

上諭一道恭譯漢文同治九年正月二十二日奉

上諭豫師著賞給副都統銜作為西甯辦事大臣馳驛前往欽此當即恭設香案望

闕叩頭謝

恩訖竊念奴才漢軍世僕知識庸愚由咸豐二年壬子

恩科文進士引

見後補授內閣漢本堂中書升內閣侍讀充咸豐八年戊午科四  
川鄉試副考官九年補授山東道監察御史轉掌陝西道監  
察御史嗣由倅滿截取知府報捐分發甘肅補平涼府知府  
同治五年七月蒙

恩簡放甘肅蘭州道因軍務微勞先後奉

旨賞加按察使銜布政使銜未報涓埃正深悚惕茲復仰承  
逾格超遷

畀以辦事大臣重任凡此寵榮之過分實非夢想所能期伏查

西甯為蒙番雜處之區正漢回搆釁之際烽煙未息撫綏彈  
壓既貴持平兵餉兩窮簡練時儲尤宜先備奴才禱昧深懼

弗勝惟有勉竭愚衷力持艱局以期仰答

鴻慈高厚於萬一所有感悚下忱理合繕摺借用甯夏將軍木

質闕防專弁賞呈叩謝

天恩伏乞

皇太后

皇上聖鑒再謝摺例應繕寫滿文惟奴才自幼隨任南方未習

清字是以敬繕漢文合併聲明謹

奏

軍機大臣奉

旨知道了欽此

為西甯撫局難恃外匪又復竄擾體察情形亟應酌募兵勇  
扼要駐防分別良莠辦理恭摺具奏仰祈

聖鑒事竊奴才前准陝甘督臣左宗棠咨奉

上諭補授西甯辦事大臣當於本月二十日繕摺謝

恩專弁脅送自應趕緊赴任惟查西甯回族經玉通議撫敷衍  
數載本屬為賊拘逼近來北路竄匪愈聚愈多本地回匪倚  
為爪牙若不預為籌布村堡靡遺變生倉猝收拾更難有不  
得不為我

皇上詳細陳明者竊查西甯各屬回匪以辦教起釁滋事屢撫  
屢叛同治元二年間賊首馬尔三即馬文義等領撤回數千

在西甯大通丹噶爾等處肆擾地方官乏兵鈐制以致西甯  
縣屬鎮海喇謀各營堡相繼失陷郡城關廂五川七族數百  
莊村寺院盡為焦土不久而大通縣城被陷貴德廳同知承  
順被戕前督臣楊岳斌派往辦撫之道員鍾瑛等亦中途遇  
害甚至玉通及署道郭襄之署知府達昌均為就撫之賊毆  
傷玉通困居城內無餉無兵為賊拘留祇得聽其狡辯回匪  
得計此焚被搶相率為常此前數年之情形也自上年秋間  
狄河回匪聞大兵入甘紛竄西甯縣屬之哆吧蘇家堡西納  
川揚言丹噶爾城為邊防重地攻得斯土進可拒兵退可外  
遁復有陝西臨渭甘肅鹽關狄河各黨圍攻碾伯縣城玉通

於上年十月親赴該縣再三勸解賞銀挂紅賊始暫退然已  
飽掠而去此等情狀丹噶爾士民遂歛投稟左宗棠行營並  
軍需局有案奴才詢之在省之卸署西甯府知府達昌卸署  
碾伯縣知縣童永基所述與丹噶爾士民稟詞相同玉通見  
撫局將潰外匪又復紛至憂懼成疾遂咨請左宗棠迅決良  
圖文內有本大臣撫良回則有餘割叛回則不足撫西甯已  
撫之回則有餘外來方張之寇則不足並稱目下勢非惟陝  
回俱不就撫即西甯撫亦有不可終日之勢等語並奏請宗  
棠派兵防護甯境是此時即令通在任亦有不能瓦全之勢  
伏思西甯雖立撫局而同匪焚殺日甚是撫與不撫同郡城



雖未失守而官員盡被拘偏政令聽賊主持是有城與無城  
同即以撫事論甘肅甯夏之撫穆圖善帶數十營以壓之張  
家川之撫道員張瑞珍帶十營並有大兵隨後以鎮  
之縱未有無兵而可辦撫者也揆厥情形若奴才此時到任  
身無一兵無從布置必至復成玉通前轍上損

國威下失民望久之村堡人民蕩然更難措手况本年二月  
初間據碾伯縣文武彙稟馬占鰲率河州渭南等處賊匪六  
七千人竄西甯屬之平戎驛碾伯屬之威遠堡該二處係赴  
湟要路均皆阻塞正恐後此竄來者尚多即使奴才單騎前  
進亦苦無路可繞此不得不稍資兵力預籌布置者也然當

東北軍事方殷乞兵於左宗棠勢必無可抽調奴才擬在平  
番等處就地募勇五營先紮碾伯及威遠堡一帶將該處民  
堡逐一修理防護百姓乘時布種兼將各莊舊有團練者從  
新整頓堵遏外匪竄越之路候碾邑布置妥協後再相機帶  
營前進一面揀派熟悉回情員弁先往郡城曉諭已撫之回  
各安生業此次募勇駐碾原為防勦外寇與本地良回毫不  
□及籍此暫安其心並照會署西甯道郭襄之奴才未到任  
以前責成該道將撫事照舊竊縻勿稍疏失奴才在外為之  
聲勢或稍斂跡待左宗棠穆圖善大兵會取狄河聲氣相通  
再行妥籌分別辦理可收事半功倍之效惟募兵即須籌餉

計五營二千五百人每月需餉銀一萬五千兩需糧十二萬  
餘觔合銀約六千兩且軍伙帳房旂幟號衣需費亦鉅此項  
若仰給於西征糧臺竊恐甘軍現在不敷分撥斷難再供另  
募之項伏查各省協濟甘餉積欠不下數千萬兩倘蒙

俞允奴才招募惟有請

旨飭下部臣另於各省按月指撥銀二萬數千兩總歸西征糧  
臺確提轉解仍在各省積欠項下劃扣倘有不敷再由奴才  
設法酌捐糧石以期節省惟指撥不免需時並懇

天恩飭令左宗棠先行借發銀三四萬兩俾得趕緊開招成軍  
節節疏通道路前進俟各省協款解到即行陸續歸還奴才

為保全西甯大局起見除就近會商左宗棠穆圖善辦理外  
為此結摺借用甯夏將軍木質關防由驛四百里馳奏是否  
有當伏乞

皇太后

皇上聖鑒訓示謹

奏

軍機大臣奉

旨另有旨欽此

再西甯回族動靜與甯夏全積堡實有相連之勢近據探報  
僉稱翼長提督劉松山陣亡陝西後路竄匪頗張其一切情  
形諒各統兵大員必有奏報現因此傳播賊志愈逞邇來附  
省一二十里時有賊踪省軍既已裁額兵餉又久不到查全  
積堡地方交春後渠水四漲一時恐難竣事且猶須抽兵赴  
陝堵擊則是左宗棠勢必不能兼顧蘭州甘事之艱可謂至  
極所賴穆圖善尚駐省防署督二載情形既熟竭力激勵士  
卒布置極臻周密惟願根本穩固則西甯大局倚為聲援庶  
可易於措置知關

聖鑒合併附片密陳謹

奏

軍機大臣 字寄

欽差大臣陝甘總督一等恪靖伯左 甯夏將軍穆 西甯辦

事大臣豫 傳諭翰林院侍講學士袁保恆 同治九年三

月十九日奉

上諭豫師奏西甯撫局難恃請酌募兵勇扼要駐防一摺據稱  
西甯回族名雖就撫實則四出焚掠相率為常兼以狄河等  
處黨衆勾結陝回時有圍攻碾伯縣城之事前任辦事大臣

玉通困守西甯無餉無兵勢同拘逼若不酌帶兵勇前往鎮撫必至仍蹈覆轍等語自係實在情形著照豫師所請即就平番等處募勇五營先紮碾伯及威遠堡一帶整團修堡以禦外匪一向疎通道路前赴西甯至西甯城內撫事雖由豫師責成道員郭襄之照舊辦理然究係權宜之計豫師仍當酌度情形一俟辦有端倪即赴新任以資鈐制平番等處回類甚多豫師新募勇丁務當選擇精審勿令奸匪潛迹其中致有疎失至應需月餉著戶部於各省協甘餉內每月指撥銀二萬數千兩總歸西征糧臺催提轉解仍在各省積欠項下劃扣即著袁保恆遵照辦理惟指撥需時恐緩不濟急並

著左宗棠先行借發銀三四萬兩俾得趕緊招募成軍以保  
西路大局西甯回族與全積堡聲勢相連現在全積堡既難  
剋期竣事左宗棠兵力勢恐不能兼顧蘭垣省城防守事宜  
穆圖善當妥籌鎮撫以為西甯聲援勿稍疎懈將此由五百  
里諭知左宗棠穆圖善豫帥並傳諭袁保恆知之欽此遵  
旨寄信前來



為遵

旨派員募勇先禦外匪疏通道路謹將現在辦理情形恭摺具  
奏仰祈

聖鑒事竊奴才於四月二十三日接准軍機大臣字寄同治九  
年三月十九日奉

上諭豫師奏西甯撫局難時請酌募兵勇扼要駐防一摺著照  
豫師所請即就平番等處募勇五營先紮碾伯及威遠堡一  
帶整團修堡以禦外匪一面疏通道路前赴西甯至西甯城  
內撫事雖由豫師責成道員郭襄之照舊辦理然究係權宜  
之計豫師仍當酌度情形一俟辦有端倪即赴新任以資鈐

制平番等處回類甚多豫帥新募勇丁務當選擇精審勿令  
奸匪溷跡其中致有疏失至應需月餉著戶部於各省協甘  
餉內每月指撥銀二萬數千兩總歸西征糧臺催提轉解並  
著左宗棠先行借發銀三四萬兩俾得趕緊招募成軍以保  
西路大局等因欽此仰見

聖主軫念邊隅燭照無遺跪讀之餘曷勝欽佩又准督臣左宗  
棠咨會已先奉三月十九日

諭旨遵擬借發銀四萬兩咨復西征糧臺飭駐陝軍需局趕緊  
籌撥解蘭等因竊查西甯近日事勢竄賊麇聚道以資鈔制  
平番等處回類甚多豫帥新募勇丁務當選擇精審勿令奸

匪溷跡其中致有疏失至應需月餉著戶部於各省協甘餉  
內每月指撥銀二萬數千兩總歸西征糧臺催提轉解並著  
左宗棠先行借發銀三四萬兩俾得趕緊招募成軍以保西  
路大衝補用參將李春海記名總兵

揚又調取駐防通渭之記名總兵敖天印部下參將熊得勝  
該四員皆撲誠妄實打仗奮勇堪以派令招募分營管帶擬  
取利建營號分前後左右中五營其不敷之營官一員再行  
慎選酌量派委惟開招之始必須籌備經費左宗棠咨行陝  
臺撥解之款既無到甘消息即先札甘藩司籌借之五千兩  
措辦多日亦未移解分釐現如口食等項及旂幟號衣槍礮

帳房一無所有雖現面商甯夏將軍穆圖善允畧挪借槍礮  
帳房而此外各項需費尚鉅奴才不勝焦灼計惟有先將甘  
藩司籌借之款嚴催設法湊撥到日即令該委員等馳往平  
番一帶開募其陝省撥解銀兩已派甘肅候補知縣徐應魁  
儘先參將蔡正和前往催提趨程來省即將一應軍用趕為  
製造奴才並隨時嚴飭募勇各員等懍遵

諭旨務須選擇精審毋令奸匪溷跡至礮局團堡亦經奴才飛  
飭代理礮州縣知縣童永基先行會同駐防營員設法整頓  
固守城防如該團等糧餉不足奴才自當酌量接濟以資鼓  
勵而壯先聲抑奴才更有陳者前請

飭部於各省積欠協甘餉內每月指撥銀二萬數千兩原係按  
照五營估計不但營伍新立製造浩繁而此外整團撫番及  
一切轉運腳價局費亦指此項已屬不敷而甯地方凋敝已  
極萬難籌墊况遑瘴之地將士久視畏途較甘省內外各軍  
項款既多尚可挹彼注茲地方亦能緩急挪墊者相去天淵  
是此項協餉不能如數如期解到深入重地軍心不固大局  
即難設想計部臣此時必已指定省分成數惟有籲懇  
皇上天恩飭下各督撫臣遵照部議此項西甯專款為數無多  
不得絲毫蒂欠源源籌解並請

飭諭西甯糧臺袁保恆或各省解款間或短延仍由該學士設

法籌墊足數解營俾奴才得以盡心軍事不致有跋扈之虞  
實為地方幸甚所有遵

旨派員募勇現在辦理情形理合繕摺由驛五百里馳奏伏乞

皇太后

皇上聖鑒訓示再奴才現辦招勇整團防剿事宜到任需時所  
有奏報咨行要件借用關防難期慎密且一經出省更無可  
借之印是以比照寧夏將軍成案暫判西寧辦事大臣木質  
關防一顆於本月二十一日在省開用除分別咨行外合併

聲明謹

奏

軍機大臣奉

旨另有旨欽此

再奴才前拜發摺後正擬咨商督臣左宗棠辦理間旋准該  
大臣咨稱據署西甯府碭伯縣營都司褚義代理碭伯縣韓  
國錦會稟突有東來竄匪五六千名盤繞縣境城難保守懇  
請撥勇發餉星夜救援各緣由查馬化澂上年因畏剿而議  
移巢西甯近因屢次勦敗生畜死亡殆盡並求移巢西甯亦  
勢有不能所訊賊供候全積堡回到共取碭伯似不足信至

陝河各逆圍攻威遠預為馬化澂徒巢之計則同意中事也  
本爵大臣此時正督攻全積狄河各逆兵餉難以驟分若僅  
調不得力之軍勉為敷衍亦復於事無濟查該縣鄰近巴札  
果莽瞿曇大寺各圍向為賊憚如果招集成軍資以糧餉或  
可資臂助等語咨商奴才酌派熟悉情形文武員弁先行馳  
赴該縣相機招募並札甘藩司籌借餉銀五千兩又咨撥陝  
局續解銀五千兩應用奴才復查該大臣所擬原係顧急起  
見所指各圍亦實係地方得力之衆自應趕緊照辦惟甘藩  
司庫無分釐無從設措連日催促終成畫餅且奴才猶慮  
者巴札等處各民團皆係有田可耕有家可顧有事集而為



團無事散而為農絕非無業投營可比此時招募斷難甘心  
為勇且此時竄匪忿集各團堵禦難支莊村莫保該紳民屢  
次告急請兵援助若再招其團人是新軍未成更恐地方愈  
空先行被擾且前仕督臣楊岳斌曾派參將孟柏林赴礮招  
募年餘辦無成效此時喫緊之際辦理必更棘手然該大臣  
既有此議奴才亦未敢拘執成見當即派候補知縣田立情  
參將張鴻發等候司庫借湊餉到先行馳往會同新委礮甸  
縣童永基設法妥辦並嚴屬不得將現有之團勒派充身或  
該團等糧餉缺乏暫時籌為接濟並飭移圖善所撥唐有  
彥三營趕緊赴防極力保護目下既奉

期仰紓

聖主綏靖邊隅之至意再此次所調番兵會剿頗稱得力嗣後  
奴才進兵仍擬酌調蒙番所部以收兜擊之效惟稽年所欠  
蒙古王公俸餉以及番子酬賞經費久未發給困苦異常前  
經玉通奏准及戶部議定兩次奉撥蒙古王公俸餉並剿撫  
經費銀共十二萬五百兩由山西藩庫撥解迄今未到除已  
由奴才派員催提外惟有籲懇

天恩飭下山西撫臣嚴飭該司迅為如數籌撥藉作此次所調  
進征蒙番俸餉酬賞等費以資鼓勵而收臂助為此繕摺由  
驛五百里馳奏伏乞

旨准在平番募勇五營自應速整新軍方足資其捍禦也所有  
准咨核辦情由合併附片奏

聞謹

奏

軍機大臣奉

旨另有旨欽此

再奴才帶兵辦理西甯回務差遣在在需員而西甯危險邊  
瘴之區人人視為畏途凡在省稍有才幹者俱經省城司道

派委臺局當差現在奴才欲挑選一二得力安員隨營前進  
實屬無員可委查有丁憂回湖北原籍之前甘肅候補通判  
徐廷文守正不阿性情清介籍隸安徽現任四川之候選直  
隸州知州馬彥熟習戎機兼通數理該二員俱為奴才所素  
知合無仰懇

天恩飭下四川湖北各督撫臣轉飭地方官查明該員等飭令  
趕緊來甘歸奴才差遣委用以資臂助為此附片具陳伏乞  
聖鑒訓示謹

奏

軍機大臣奉

旨另有旨欽此

軍機大臣 字寄

西甯辦事大臣豫 同治九年五月二十五日奉

上諭豫師奏籌募平番等處勇丁並接左宗棠咨招募巴札等處團民酌辦情形各摺片覽奏均悉西甯竄賊麇聚且有窺伺碾伯之意陝河各逆有圖攻威遠堡為馬化澂徒巢之計亟應迅籌援剿豫師現擬俟撥款到日即派遊擊張鴻發等前往平番一帶募練成軍著即飭令該員等認真選擇總須

一兵得一兵之用不得濫行開募徒糜餉項張伯等處圍堡  
向尚得力並著督飭該處文武竭力整頓藉資保衛左宗棠  
擬募巴札等處團勇助剿豫師以該處竄匪充斥各圍正在  
堵禦礙難招募著即酌度情形咨商左宗棠妥籌辦理此時  
豫師所募新勇尚未成軍左宗棠又無可撥之兵著豫師飛  
飭穆圖善所撥唐有彥三營先行馳赴防所力籌保護仍一  
面趕募新軍協同堵剿毋稍疏虞西寧地方凋敝別無可籌  
之款所有指撥西寧月餉著戶部行知各該督撫務須照數  
源源籌解不得稍有延欠豫師所請飭令西征糧臺隨時籌  
款墊解已諭令左宗棠照辦另片請調徐廷文等赴營委

已明降諭旨令李瀚章等飭令前往矣將此由五百里諭令知之欽此遵

旨寄信前來

為援兵已解威遠堡圍竄匪仍踞西甯郡境奴才現在趕緊  
招勇冀圖掃蕩恭摺具奏仰祈

聖鑒事竊奴才前將派員赴平番一帶招勇緣由業於五月初  
一日繕摺

奏報在案時因餉項未到招募經費無出急切不能成軍而

礮伯威遠文武員弁暨地方紳耆以竄來外匪日聚日多威  
遠營堡被圍甚緊紛紛請兵援救迭經奴才隨時批飭該營  
縣先就現有兵團相機堵遏並飛檄駐礮之遊擊唐有彥所  
帶懷義三營馳往援剿仍虔賊眾兵單不敷肆應復分飭礮  
伯巴扎各團及土番等會同合力兜擊去後茲據遊擊唐有  
彥稟稱四月初十日率隊至礮伯縣偵知大股賊匪尚圍威  
遠堡威遠距礮一百三十里沿途並無人煙祇有賊回來往  
該遊擊卽會同代理礮伯縣知縣童永基添派團勇馬步四  
百餘名管帶前往經過花園寺化嶺等處地方均遇賊匪接  
仗獲勝隨即節節掃蕩而前時巴扎威遠團勇聞知援軍進



逼亦即迎前接應我兵於十八日抵威遠賊已聞風先遁堡  
圍立解唐有彥雷將所部三營紮於關廂探得該匪盤踞白  
馬寺高寨曹家堡並河南平戍驛一帶擬再會齊番漢圍勇  
擊剿等情並據代理碾伯縣知縣童永基密稟探得當賊圍  
威遠之時西甯回目馬文義評令議和需索銀八千兩紳民  
無力措交和議遂寢賊至湟郡馬文義又在城中攤派民商  
銀五千兩言明賊匪即行歸巢而逆匪仍在郡城關廂來往  
不知是何意見各等情奴才覆查威遠雖已解圍而大股回  
匪尚盤踞西甯境地其所踞之白馬寺高寨曹家堡平戍驛  
等處為西碾適中之區形勢較為險要顯係互相勾串以為

員竭之計希圖抗拒官軍唐有彥祗帶三營即有漢番團勇  
助勢籌剿籌防斷不足資展布奴才前派募勇之參將李春  
海遊擊張鴻發雖昨於五月十五日飭令前往平番一路招  
募而臨行時僅由藩司借發銀五千兩除製旂幟號衣鑼鍋  
外所餘無幾穆圖善借撥帳房擡槍手槍鉛藥等件核之所  
需軍械不及十分之三至口食經費尤屬無出所有左宗棠  
先後借發銀四萬兩當經委員迎提迄今日久尚無到省消  
息奴才不勝焦急現在專候左宗棠借款解到立將槍礮旂  
幟號衣鉛藥配製齊全奴才即行出省仍一面飛飭李春海  
張鴻發等趕緊先行招募挑選精壯剋日成軍即行面上相

機會同堵擊以

皇太后

皇上聖鑒訓示謹

奏

軍機大臣奉

旨另有旨欽此

軍機大臣 字寄

欽差大臣陝甘總督一等恪靖伯左 山西巡撫李 西甯辦

事大臣豫 同治九年七月初二日奉

上諭豫師奏威遠堡解圍現籌募勇進剿並請飭催俸餉一摺  
據奏威遠堡解圍情形與左宗棠等前奏大畧相同豫師現  
派參將李春海等先赴平番募勇惟左宗棠借發餉銀尚未  
解到豫師擬候軍裝配齊即行出省著左宗棠將先後借發  
西甯餉銀四萬兩迅速解交豫師應用並著豫師飭令李春  
海等趕將勇丁募齊選練成軍即日統率西上會同唐有彦  
等軍相機堵剿將白馬寺等處賊匪悉數殲除毋得遷延番  
兵剿賊得力豫師擬酌調蒙番各部助剿據稱該王公俸餉  
及番子酬賞經費久未發給山西奉撥該蒙古俸餉等銀亟

應迅籌接濟著李宗羲嚴飭藩司將該省奉撥蒙古王公俸  
餉並剿撫經費銀共十二萬五百兩迅速如數籌撥解交豫  
師以濟要需將此由五百里各諭令知之欽此遵

旨寄信前來



青海奏疏

為西碾團勇會勦回匪立將高寨克復白馬寺一帶現已肅  
清恭摺馳陳仰祈

聖鑒事竊奴才前將威遠堡解圍現籌募勇進勦各情於六月  
初七日繕摺奏報在案威遠解圍之後賊眾退踞高寨白馬  
寺等處奴才當飛飭該團勇等乘此官軍甫到賊心惶促之  
際正可會合相機進勦毋令久踞去後嗣於七月十二二十  
九等日據代理碾伯縣知縣童永基署威遠營都司靳聯科  
等稟稱六月十九日經都司靳聯科威遠團局候補教諭梅  
魁招集難民千餘人飭令於距高寨較近之新義新添二堡

分紮以張聲勢而哈拉直溝團總師學津等亦整飭舊團為  
會攻高寨計挑選威遠練勇三百名交勇目陳洪典段維世  
管帶與新義新添二堡難民及哈拉直溝團勇會合進攻二  
十三日卯刻各勇乘賊無備奮勇擊勦鏖戰自卯至午賊勢  
不支棄寨渡河南而逸我勇斃賊十餘名追擊落河者六名  
奪獲器械多件救出被擄婦女數十名當將高寨全溝克復  
威遠民勇隨即扼駐高寨查點我勇陣亡二名自高寨至白  
馬寺一帶現已肅清惟哈拉直溝大河以南密通賊巢現仍  
加意嚴防相機進擊等情先後呈稟前來奴才查各該團練  
以年久失業之民一經飭諭竟能協力同心捍禦強寇攻克



緊要堡寨實屬義勇可嘉惟大股回匪悉踞河南老巢團練  
人數尚單究虞衆寡不敵適當奴才前次募勇之參將李春  
海遊擊張鴻發先已募足利建中前二營亦於六月二十三  
日進抵碾柏與原駐威遠之遊擊唐有彥管帶懷義三營聯  
絡聲勢本地團丁必可更加踴躍庶冀稍過兇氛一俟奴才  
營勇募齊再圖大舉惟查西碾圍練數年之久逼臨悍寇別  
無援兵自備口糧經費保守殘堡以待官軍前次威遠堡解  
圍雖由於遊擊唐有彥帶領三營入境亦藉團勇先期出隊  
會合以致悍匪聞風逃逸是各該團練護衛地方遇賊即擊  
實已積著辛勞且將來用兵仍須借助於團練以為分布堵

過之用可否邀

恩將西碾歷年捐資殺賊紳民由奴才擇尤酌保以資鼓勵而收後效之處出自

聖主宸裁示遵所有團勇克復高寨白馬寺一帶肅清緣由理合繕摺由驛五百里馳奏伏乞

皇太后

皇上聖鑒訓示謹

奏

軍機大臣奉

旨另有旨欽此

再奴才現定於八月初六日出省西行擬先暫駐平番將後  
募之三營趕緊整理復查由平番赴碾之路數百里斷絕人  
煙賊蹤出沒商賈不通凡緊要文報俱係驛夫翻山繞嶺乘  
間遞送動多夫馬被害公文遺失之事若不將後路通暢以  
後餉糧無從輓運關係甚大奴才擬將營勇募足相度大路  
要隘修築堡寨一面招集難民開墾聚守并酌派練勇分防  
以期穩固除行抵平番體察情形再行隨時奏報外所有定  
期出省並現籌築堡疏通後路緣由理合附片陳明伏乞

聖鑒訓示謹

奏

軍機大臣奉

旨另有旨欽此

軍機大臣 字寄

西甯辦事大臣豫 同治九年八月二十九日奉

上諭豫師奏圍勇會剿回匪克復賊寨及出省籌辦後路各摺  
片高寨白馬寺等處踞匪現經豫師飭令圍勇會同官軍兜  
剿該逆渡河而逸立將高寨全溝克復白馬寺一帶業已肅  
清惟大股回匪高踞河南老巢亟應迅圖剿滅著豫師飭令

李春海等協同該處團丁乘勝進攻直搗逆巢務當掃穴擒  
渠毋留餘孽西碾紳民捐貲殺賊尚屬著有微勞著准其擇  
尤酌保以示鼓勵豫帥出省後擬暫駐平番著將後路事宜  
趕緊籌辦俟部署稍定即親率勇隊馳赴前敵相機進剿迅  
殄逆氛將此由五百里諭令知之欽此遵

旨寄信前來

為馳抵平番整頓新軍籌布後路及嚴正營練勇擊賊獲勝  
情形恭摺具奏仰祈

聖鑒事竊奴才前將克復高寨白馬寺肅清並各省協餉未到  
先行出省布置後路各情於八月初四日繕摺

奏報在案遂於初六日由省起程而上初八日行次距平番  
七十里紅城堡察看該處為平番至省適中之地通透米拉  
三溝賊匪不時出沒為轉運要道當派參將熊得勝管帶利  
建親兵一營留駐該堡接護餉項軍裝以顧後路奴才於初  
九日督帶利建左營一軍馳抵平邑查平番南達省城東通  
秦王川北界涼州西至西碾為四通衢駐省各軍及奴才

所部均須在此處採辦糧石最關緊要而該縣山岔繁多零  
股賊匪時常肆出搶掠民糧牲畜舊有提督張萬美帶領南  
字二營駐防此擊彼竄日不暇給自奴才到後察看情形必  
須每日派弁勇四出尋哨夜設伏兵要隘方免游匪乘間竊  
發之計當即分派去後一月有餘地方得以粗安至九月初  
八日忽有大股賊匪擾至縣西三十里大里壩地方勢甚猖  
獗駐防提督張萬美督帶各營往剿失利該匪由山溝撲出  
直抵城下奴才當即一面督隊轟退一面飛調正中親兵二  
營以期痛剿比至次日辰刻該營趕到而賊已警覺由東山  
口竄去奴才因步隊勢難追趕馬賊遂飛函知會駐省甯夏

將軍穆圖善親督馬隊兜剿獲勝各情奴才業已會銜另案  
奏報刻下派弁四路偵探已無賊蹤再查自平至碾驛路久  
為賊藪改由連城小道行走袤長二百四十餘里其間只有  
大寺連城張家寺三處尚存殘破基址可以設卡此外叢山  
榛莽賊匪游駛應須趕築堡寨招集流民間壑聚處方可聯  
絡聲勢疏通運道奴才連日細察形勢酌擬在於大里壩漫  
水灘松樹牙壑三處各築一堡與大寺連城張家寺聲勢聯  
絡現由奴才與各地方官籌捐經費僱民興築但地方人民  
稀少兼之西路早寒尚不知能否依限一律完工惟既有堡  
寨招農仍須有勇防護梭巡方免賊蹤擾掠查有土人五品



軍功何得彪近年曾練團勇一百餘人撲實耐苦素稱敢戰  
且於地情熟習因派其添足一營作為衆正營練勇分紮要  
隘仍常川來往疏通道路每月由奴才發給口糧軍實以資  
用命茲於九月十一日接據何得彪稟稱八月二十九日由  
碾招隊抵連駐紮河西磊磊城正在添募整練間忽於九月  
初六日探報米拉溝賊匪突至附近搶去農氏馬牛騾驢五  
十五匹頭羊四十餘隻立即帶隊尾追將被搶牲畜全數奪  
回悉傳農民認領又於十九日稟稱十二日突有陝賊六百  
餘名乘馬持械火礮驟至該軍功率勇奮擊殺賊六名該匪  
隨即退去傍晚探悉賊分兩股一竄大小川沙全溝一入塘

坊沙溝盤踞繞道該軍功卽於是夜帶隊潛赴塘坊沙溝截  
道備防果遇賊匪四百餘名奮力攻擊該軍功親殺悍賊十  
一名隊勇殺賊五十餘名生擒九名並奪獲騾馬十八匹頭  
鳥槍刀矛五十餘件及十四日夜探聞賊匪又有撲境消息  
仍帶前隊赴塘坊沙溝戒備復有陝賊七百餘名撲至該軍  
功二次率隊接仗親殺賊匪八名隊勇殺賊三十七名奪得  
騾馬十餘頭並將割獲耳記呈驗等情前來奴才覆查何得  
彪稟報擊賊獲勝均係實在情形該軍功添募練勇尚未成  
營竟能數次力擊強寇連戰皆捷洵屬勇敢可用除仍嚴飭  
其迅將此路賊匪剿洗淨盡並飛催各該處趕緊依限修築

堡寨招農聚墾以期運道通暢而使軍行外所有奴才抵平  
整頓新軍籌布後路及練勇擊賊獲勝緣由理合繕摺由驛  
五百里馳陳伏祈

皇太后

皇上聖鑒訓示謹

奏

軍機大臣奉

旨另有旨欽此

再奴才前在省時有儘先副將歸四川督標候補遊擊劉裕  
升臬稟投効傳見數次西路情形尚熟彼時因需員差遣遂  
於五月初十日派令管解採買糧價銀二千兩赴碾伯縣交  
收並諭令照料募勇委員候補知縣田立愔暗中稽察乃該  
遊擊行至平番膽敢將管解糧價銀兩挪動私買布疋影射  
索用官騾八頭漁利以致到碾遲之又久始將糧價交收銀  
色攪雜不齊共約獲利銀七八百兩且到各站需索供應在  
碾私出告條捏充招勇希圖關領獎劬種種劣迹經委員田  
立愔密稟前來奴才當將該遊擊撤委一面分飭平番碾伯  
兩縣確查去後嗣據平碾二縣稟陳與田立愔原詞無異奴

才正在核辦間該遊擊並不俯首待罪竟然潛行脫逃並敢揚言軍中謂此處雖獲咎不用猶可他營投効仍能邀保等語居心尤屬狡詐查劉裕并以四川督標拔補遊擊職官膽敢到處招搖需索挪餉販貨私用官驛攬雜餉項各情實屬藐法已極若不從嚴懲辦誠恐效尤成風軍營憲習不知伊於胡底奴才擬將儘先副將歸四川督標拔補遊擊劉裕并請

旨即行革職並勒令回籍不准再事投効軍營以懲貪劣而挽積習如蒙

俞允並懇

飭下部臣分行直省督撫暨各領兵大員一體遵照是否有當  
理合附片據實具參伏祈

聖鑒訓示謹

奏

軍機大臣奉

旨另有旨欽此

軍機大臣 字寄

西甯辦事大臣豫 同治九年閏十月初五日奉

上諭前據穆圖善等奏賊匪竄擾平番一帶當經諭令豫師督率該處文武妥籌布置茲據豫師奏稱整頓新軍籌備後路軍功何得彪督帶練勇在塘坊沙溝等處疊次擊賊獲勝即著飭令將北路賊匪實力剿洗毋令蔓延豫師現擬於大里壩等處分築堡寨與大寺連城等處聯絡聲勢即著督催各該地方官趕緊辦理招農開墾一面疏通運道以利軍行豫師現紮平番著將該處防守事宜布置妥協即行相機前進馳赴本任毋稍稽延將此由五百里諭令知之欽此遵

旨寄信前來

為陝回大股由河州竄擾平番屬境駐防營勇出戰失利賊  
匪旋撲縣城經守城兵勇擊退復被馬隊官兵迎頭截剿大  
獲勝仗謹將前後各情形會摺具奏仰祈

聖鑒事竊查涼州府屬平番縣為甘省西路咽喉距省二百一  
十里中間村堡多稱完善時為賊匪窺伺先經奴才穆圖善



派撥南字三營擇要駐守以正中一營紮於縣東三十里之  
南大通左營紮於縣北之十里鋪右營會同莊浪城守營官  
兵紮於縣城之內另派千總王廷相管帶臨洮營官兵一百  
餘名紮於縣東七十里紅城堡之沙溝口竊幸由省至平道  
塗久已暢行毫無阻滯八月間奴才豫師帶領新立之營出  
省暫駐平番因查平番至碾伯之路梗塞經年行人裹足擬  
在距平番三十里之大里壩距連城五十里之漫水灘距碾  
伯八十里之松樹牙壑勸民各築一堡招集流亡就地懇田  
籍以疏通大路惟大里壩一帶賊蹤出沒無常興工修築必  
須兵勇防護始保無虞爰咨商奴才穆圖善轉飭駐防平番

之南字營統領記名提督張萬美就近分撥一營暫駐大里壩亦經奴才據圖善咨知臣左宗棠查照各在案九月初四日據張萬美呈報已飭南字左營營官彭清勝於十里鋪防勇內抽出三百人扼紮大里壩護民築堡初八日辰刻張萬美遣弁向奴才豫師聲稱聞大沙溝內竄來烏賊數百又據張萬美續報據駐防大里壩營官彭清勝稟稱有大股賊匪突至該營僅止抽調半營之勇力敵不勝飛請救援張萬美因大里壩距平番縣雖三十里然祇一條沙溝直抵城下若彼口隘有失賊必擾及附城張萬美隨即督帶南字右營弁勇並所部烏隊馳往堵擊奴才豫師恐其兵力尚單而所立

新軍只有利達左營在平當派遊擊田應福帶領左營隊伍  
一百五十名都司吳量喜帶領衛隊六十名又值來平之懷  
義營馬隊百名一併令其前往策應一面差人偵探去後張  
萬美甫進沙溝十餘里即遇大股馬賊衝突張萬美督勇兩  
次抵敵轟斃賊匪數百名旋有大股悍賊由後馳援我軍鉛  
藥不繼勢已不支管帶利達左營田應福等在後站隊正欲  
接應而賊匪另由山峽後路包抄田應福等又回身轉擊殺  
賊無算不料該匪愈集愈多我軍首尾不能兼顧致提督張  
萬美遊擊田應福都司吳量喜並利達營督隊委員都司周  
國遠同時力竭陣亡該匪馬步隊約四千餘眾遂由大小沙

溝兩路衝出直撲城垣幸城上文武先有準備奴才豫帥督飭施放槍礮立斃悍賊數十名又確覓護駝來平番勇六十名在城外要路放槍堵擊自午至酉賊始稍退仍在附近山根環紮奴才豫帥一面督率在城文武嬰城固守一面飛調駐防南大通之南字正中營暫駐紅城堡之利建親兵營來城助守並飛報奴才穆圖善撥隊援應是日傍晚管帶南字正中營參將李正魯率領部勇趕到合力巡守是晚城外賊放號火光焰冲天我軍槍礮徹夜該逆困憊不能休息次早參將熊得勝管帶利建親兵踵至軍威更振守備益周該逆無懈可乘始由東北山溝遁赴秦望川是日午刻又有馬賊

數百由大沙溝竄出亦向東北山溝逃逸城圍遂解查驗城外民舍幸獲保全南字左右營及利建左營衛隊勇丁並懷義營馬隊陸續歸伍者甚多惟南字左營營官彭清勝懷義營哨弁千總秦正棟利建左營哨弁外委蕭坤剛均已戰歿於陣奴才穆圖善先於初九日回刻聞警當即知會奴才豫師將此匪設法牽制防其四竄一面飛飭原駐大靖土門兔窩華家井五道峴各起馬隊並駐紮打魚溝之定字營步隊一體馳往援剿仍於蘭州駐防各營內挑就勇丁二千名預備策應十一日接准奴才豫師函稱賊已竄往秦望川正與蘭州探報情形相符奴才穆圖善即於十二日黎明率領蘭

州防勇二千名馬隊數十騎由秦望川一路迎剿是晚七十  
里進駐冰卜河偵探並無賊踪因念蘭州城防空虛遂於十  
三日將步隊撤回奴才仍帶馬隊又行一百三十里至五道  
峴據探駐華家井之統領吉林馬隊官兵伯都訥副都統雙  
福駐大靖之統領黑龍江馬隊官兵副都統薩吳阿駐土門  
之統領黑龍江三起馬隊官兵副都統銜協領常明管帶吾  
林頭起馬隊營總丁喜管帶黑龍江後二起馬隊營總赫恩  
精額俱已應調帶領各起馬隊並打魚溝駐防記名提督劉  
定邦派定字營勇四百人於是日早同抵兔窩大股賊匪正  
在兔窩西北五里地方盤踞該馬隊統領管帶並帶領定字

營各官業經會同原駐免窩管帶吉林二起馬隊營總德喜  
管帶黑龍江續調頭起馬隊營總額爾慶額將此匪迎頭攔  
截等語奴才穆圖善聞報立即督同五道峴駐防之營總正  
福所帶黑龍江後頭起馬隊馳往夾擊行抵免窩該馬步官  
兵戰已數十合斃賊極多賊仍死拒不退奴才穆圖善督飭  
營總正福揮隊直衝我兵槍箭齊發兩路包抄勇氣百倍鏖  
戰數時賊屍枕藉先後約斃馬步賊一千五六百名生擒一  
百餘名奪獲騾馬牲畜四百餘頭器械無算餘匪大敗奪路  
狂奔我兵跟追五十里至平羌堡沿途又截殺悍賊多名夜  
半始行收隊富將生擒賊匪面為審問言係陝匪禹生彥崔

三兩股由河州乘虛出巢擄掠阻我運道其計甚毒均即訊  
明正法查點馬隊官兵陣亡委參領舒圖爾善披甲花翎慶  
來富明博興阿披甲藍翎哲庫訥泰斐音札普次早偵探敗  
匪業已悉數遁回河州老巢去矣秦望川一帶地方尚未大  
遭蹂躪奴才穆圖善當將馬步隊飭令分回原防因念南字  
左右二營甫經挫敗且統領營官陣亡亟須從新整頓遂於  
十六日取道平番周歷城垣布置尚屬周密張萬美屍身業  
已尋獲受傷數十處當即給資棺殮惟南字左右二營及利  
建營未歸者尚在三百餘人死於陣者固多亦有衝散遠逃  
者核計南字左右營現存勇丁實不敷兩營之額奴才穆圖



善權將左右二營併為一營交儘先副將湯義勝管帶即以現帶南字正中營之副將銜儘先參將李正魯接充統領並以張萬美原部馬隊一百名亦交李正魯統帶以一事權第一查平番地方隘口叢雜原駐三營已覺過單今合之李正魯一營已抵二營更屬不敷分布至莊浪協營原額官兵五百餘員名嗣因征調換防並糧餉不繼缺額未補現在實存祇有一百餘名前因本營官兵不敷守城故張萬美自帶南字右營駐紮城內而平番之北十里堡南大通兩處要隘與城防並重顧此則被虛查現署莊浪協副將記名總兵鍾本起是臣左宗棠委署斯缺其人久歷戎行熟諳營制奴才穆圖

善擬令鍾本起就地招募精壯合足兵丁五百名勤加訓練  
即將城守事宜責成該署將妥為籌辦其每月鹽菜口糧悉  
照楚軍章程由臣左宗棠轉飭營屯局委員一體支給需用  
槍礮刀矛奴才穆圖善酌量派補旂幟號衣臣等另行籌款  
製造現在南字正中營仍駐平番縣城南大通隘口已調臨  
洮營官兵暫駐填紮侯莊浪營兵募足之後即將南字正中  
一營及臨洮營官兵仍令各歸南大通沙溝口防所南字左  
右歸併之營亦令扼紮北十里鋪以期周密布置粗定後奴  
才穆圖善已於二十一日回省隨據駐防大靖統領馬隊官  
薩英阿報稱忽有另股賊匪二三千人在於土門及武威縣

屬之王家台等處滋擾並搶劫運糧官私駱駝等情奴才已  
分飭各起馬隊及統領仁字等營署涼州鎮總兵王仁和會  
同迅速剿捕容再另行奏報伏查統領南字等營記名提督  
張萬美向隨前督臣楊岳斌管帶水師從征南省立功甚偉  
後經楊岳斌帶領來甘分統楚軍六七年之久身經百餘戰  
克城破卡保全地方甚多尤為勲勞卓著遠因禦賊服寡不  
敵慘受多傷力盡捐軀失此良將深堪悼惜應如何優予

賁卹之處出自

聖王宸裁其南字左營營官已保記名總兵彭清勝利達左營  
營官副將銜儘先遊擊田應福哨弁藍翎外委蕭坤剛衛隊

營官花翎儘先都司吳量喜督隊官儘先都司周國遠懷義  
營哨弁藍翎千總秦正祿協領銜花翎委參領布特哈正白  
旗佐領舒圖爾善布特哈廂黃旗精福佐領下披甲花翎慶  
來黑龍江城廂白旗壽長佐領下披甲藍翎哲庫訥布特哈  
廂白旗貝善佐領下披甲藍翎秦斐音札普齊齊哈爾廂黃  
旗色克吉札普佐領下披甲花翎富明墨爾根城廂黃旗富  
勒琿佐領下披甲花翎博興阿先後接仗陣亡均堪憫惻相  
應籲懇

天恩飭部從優議卹以慰忠魂其餘陣亡馬步官弁兵勇統俟  
查明另案辦理所有陟回大股由河州竄擾平番屬境官軍

出戰失利馬隊迎剿大獲勝仗緣由謹聯銜結摺由驛六百  
里馳奏伏乞

皇太后

皇上聖鑒訓示謹

奏

軍機大臣 字寄

欽差大臣陝甘總督一等恪靖伯左 寘夏將軍穆 西甯辦

事大臣豫 同治九年十月二十六日奉

上諭穆圖善等奏陝回竄撲平番縣城剿辦情形一摺陝回高  
生彥崔三兩股由河州竄擾平番屬境經駐防該處之南字  
左右兩營迎剿於沙溝地方接戰失利統領張萬美等均歿  
於陣該逆直撲縣城豫師督兵守禦賊向東北山溝遁去穆  
圖善親率馬隊馳抵兔窩督剿將賊擊敗殲斃甚多此次賊  
匪乘虛出擾勢頗猖獗現在雖已遁回河州老巢惟賊蹤出  
沒無常必須隨時加意防範南字營現已併歸恭將李正魯  
統帶而兵力尚單豫師駐紮平番務當督率在城文武妥籌  
防守該辦事大臣新立之營亦當認真操練以資得力穆圖  
善擬令署莊浪協副將鍾本起招募五百名著即飭令訓練

成軍將城守事宜嚴密布置其南大通沙溝口及北十里鋪  
等處並著分撥官兵扼守以杜紛竄穆圖善現已回省如西  
路有警仍當隨時調度力籌防剿左宗棠身任欽差大臣於  
甘肅全省軍務均應妥籌兼顧不得以遠在西隅置為後圖  
土門及武威縣屬王家台等處有匪竄擾著左宗棠穆圖善  
迅飭王仁和等督軍截剿毋任滋蔓記名提督張萬美帶兵  
有年迭著戰績此次力竭陣亡深堪憫惻著交部照提督陣  
亡例從優議卹並加恩予諡其先後陣亡之總兵彭清勝副  
將銜游擊田應福外委蕭坤剛都司吳量喜周國遠千總秦  
正棣協領銜委叅領布特哈正白旗佐領舒圖爾善披甲慶

來哲庫訥泰斐音札普富明博興阿均著交部分別從優議  
卹穆圖善另片奏迭次剿賊出力馬隊官兵可否酌保等語  
著准其擇尤保奏將此由五百里各諭令知之欽此遵

旨寄信前來



再奴才前請招募五營所有軍中一應要需均應及時製辦  
比時左宗棠借撥之餉尚無解到消息奴才祇得在於省城  
各商鋪將軍營需用各料先行設法挪取覓工製造現在五  
營旂幟號衣鑼鍋等項業已製辦齊全槍礮除由左宗棠穆  
圖善酌量借撥外餘皆亦已造辦惟矛桿鉛丸二項甘省近  
來無處可購向須由川陝籌措前經奴才派員分往採辦尚  
未解到其督臣左宗棠借撥銀四萬兩現准委解到蘭除清  
還製造工料價值并發給募勇口糧外所餘已屬無多目下  
營勇日支口糧甚形窘迫據西征糧臺袁保恒函文屢稱奉  
旨指撥各該省月餉毫釐不解萬難久墊似此各省膜視不遵

部撥勇丁既已成軍計口授食軍情正在得手設一潰退大局更難措置而各省藩司積習總以推諉為計動於奉

旨兵餉要款並不盡心籌畫全恃詳請該督撫一奏了事及至往返駁行業已經年累月邊庭將士枵腹荷戈豈能久待似此情形軍務何從整頓兵事何日完結若不明定章程終恐空煩文牘毫無實際奴才再四焦思惟有籲懇

天恩飭部嚴定藩司遲誤兵餉處分如果該藩司籌餉無誤准歸軍功由領兵大員保奏則功過昭然庶軍務日有起色矣  
是否有當伏乞

聖主宸裁訓示謹

奏

軍機大臣奉

旨戶部議奏欽此